

Halto Comisario mr. Bernardina

"Dios spaar nos cu bahamento di overtime pa polis no bay a costo di seguridad di nos pueblo"

Na Juli so, a registra seis atraco

ORANJESTAD (AAN) -- Den conferencia di prensa ayer, Halto Comisario suplente mr. Ronny Bernadina a referi tambe na e topico di overtime pa polis.

Halto Comisario a bisa cu bahamento di oranan di overtime a cumenza na luna di juni, y te januari manera hopi hende a pensa.

Mr. Bernadina comenta di di repente KPA a haya su mes cu e sorpresa cu Departamento di Finanzanan a manda bisa cu nan tin entendi cu polis no ta bay haal'e, ya dicidi di pone 20 ora riba 200 por ciento y 30 ora riba 150 por ciento so, por worde traha.

Halto Comisario a splica cu el a manda un carta pa e minister concerni bisando e cu esey no ta e acuerdo, y cu e acuerdo ta cu KPA tin su propio maneho, y a base di esaki lo bay purba baha overtime.

Segun mr. Bernadina e consecuencia di esaki ta cu e lo afecta e seguridad di nos pueblo. Un di e medidanan cu Halto Comisario a tuma ta cu e proteccion pa barconan di turista lo no tey.

Proteccion pa barconan di turista ta un proyecto di Minister di Asuntonan General y no di Minister di Husticia, y esaki ta pa protege mas tanto ora cu tin turistanan mericano, cu polis ta keda patruya pariba y pabao di waf.

E trabao aki lo no sosode mas pasobra e ta worde realiza a base di overtime, Halto



Comisario mr. Bernadina a subraya.

Mr. Bernadina a agrega cu tin mas control cu lo mester bay baha pasobra no tin suficiente polis y si mester bay duna "time back" a base di oranan cu polis a traha e luna anterior, lo tin menos polis riba caha.

Halto Comisario Bernadina a

pidi comprension di pueblo cu aunque polis su trabao ta duna servicio, nan tambe tin derecho riba vacacion y riba nan dianan liber, esta atv daga, cu tin basta dia acumula.

Pues, bahamento drastico di overtime pa polis lo trece cune un scale di problemanan y Halto Comisario di Polis ta spera cu esaki lo no trece problema pa nos pueblo, na cual KPA kier duna e seguridad minimo.

Ora cu tin eventonan grandi esnan cu ta organiza posiblemente lo mester paga pa garantiza seguridad policial, segun mr. Bernadina.

Tambe al a comenta cu tin peticion masal di pueblo pa polis traha riba un proyecto pa baha of evita ladroncia di auto.

Mr. Bernadina a expresa cu polis tin hopi gana di haci esaki, pero e lo bay a costo di personal den distrito, y esaki ta nifica pone polisnan traha

overtime, ya cu hortamento di auto a cumenza bay for di man.

Pero, atrobe, KPA mester tin un maneho unda ta baha pago di overtime, y esaki ta e problema.

Halto Comisario suplente a reitera cu KPA ta spera di logra e meta di baha overtime di aki pa december, pero cu

Dios spaar nos pa esaki no bay a costo di seguridad di nos pueblo.

Cu preocupacion el a bisa cu na juli so tabata tin seis atraco, y resolve esakinan ta tuma hopi overtime di e personal di "Atraco Team" cu aworaki tin dos hende so ta traha pasobra e otro dosnan ta cu vacacion.

Dos homber fastioso saca for di Casino

ORANJESTAD (AAN): E prome informe cu a worde denuncia na Polis ta indica cu na un Casino den Oranjestad ta tumando lugar un pelea.

Patruya cu a worde dirigi na e casino encuestion a topa cu dos persona, ta trata aki di e hombernan G.E.H. di 23 aña y D.C. naci na Sint Maarten cu tin 33 aña cu lo a worde saca for di e casino.


Segun version di e guardia cu Polis a atende, cu e hombernan comportacion tabata di

laga di desea.

Nan tabata papia duro expresa palabranan menos netchi den e localidad, fuera tabata causa molester cerca e otro clientenan.

Pesey tambe guardia a ricibi orden pa pone e dos clientenan porta afor: Polis a hala atencion debido di e hombernan. Segun e version policial cu e homber H. a cana bay zundrando, pero locual ta e homber C., el a comprende Polis.

SETAR GONE WILD!!



E CD PA COMPUTER CU WEGANAN POLITICO ARUBANO TA OBTENIBLE NA CAMACURI SNACK PARIBA DI VELD DI CLUB CARIBE Y TAMBE NA TUR CHECKPOINTCOLOR. PA INFO Y DELIVERY YAMA TEL: 5828006 WWW.WEGAWEGA.COM

BEST DEAL

Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455

